



UNIVERSITÄTS-
BIBLIOTHEK
PADERBORN

Annvæ Provinciæ Gallobelgicæ. M.DC.LII.

[urn:nbn:de:hbz:466:1-67908](https://nbn-resolving.org/urn:nbn:de:hbz:466:1-67908)

120 ANNVA GALLO BELGICÆ
ANNVA PROVINCIÆ
GALLOBELGICÆ.
M. DC. LII.

Recensuit hoc año 1652. Provincia Gallobelgica Socios 590.
& ex ijs 345. Sacerdotes.

§. 1. *Fides Catholica, & Catechismi.*

1. Ab hæresi ad fidem hoc anno septuaginta quinque conversi, præter eos qui incerto numero indicantur. Generali autem expiatione animos per pœnitentiam renovarunt 960. Catechetica institutio, ne omnia de illa omittam, hoc videtur palmare habuisse industriæ magnæ indicium, quod in unico Insulensi Collegio, unde licebit reliqua æstimare, habita illa sit per paroecias, ac scholas quas dicimus triviales, locis facile quinquaginta quinque.

§. 2. *Beatissima Virgo Deipara, & Sodalitates.*

1. Perquisitæ usque quaque occasiones à Patribus ad gloriam hujus Virginis & amorem latius proferendum. Ariæ in principe Urbis Basilicâ, Nostro apud concionem adnitente, antiquata jam olim Deiparæ Virginis, quæ istic Panetaria dicitur, pietas in-

pristi-
scen-
Reg-
bere-
pre-
de-
con-
ling-
Ari-
un-
fli-
ha-
sti-
tu-
fa-
ca-
gi-
ri-
p-
e-
v-
r-
p-

pristinum florem redijt: populo id agnoscente, ac fatente, Societatem in laudes Reginae cæli quasi professoriam linguam habere, quæ pro sancto meritoria eloquentiæ pretio abundè habeat, si quid pro illius laude possimus. Et annuit Virgo Mater bonis conatibus quando id quod svademus nos linguâ, beneficijs illa persvadet. Nam & Ariæ, per hosce annos, quarto novendialium ad nostram B. V. precum die Mater vidit filij pedem, pro quo votum nuncupaverat, hæctenus fædè miserrimèq; retortum, tristiq; spectaculo deformem, integritati restitutum; re postea ab Episcopo ritè probatâ, sacro Eucharistico, typis, versibus celebratâ.

3. Duaci, quemadmodum in Græcæ Academiæ limine olim visebatur amoris effigies, ita sanctiore studio in publicâ Scholarum areâ Reginae Sapientiaë imago eapropter est collocata, ut abusq; manè per totos dies Scholasticos, dum frequens & pia juvenus ad gymnasium affluit, flexo reverenter genu ab omnibus consalutetur DEI Mater: quam rem in consvetudinem & exemplum ituram sperare fas est.

4. Luxemburgi nostra DEI para consolatrix, plenum solatij nomen felicibus beneficentiæ argumentis tuetur. Ejus ope Carmelitana Sanctimonialis à feбри, ac diro hydrope

drope liberata, medicis eo majori fuit admirationi, quo magis omnem de illa in vita retinenda spem prorsus abjecerant. Alius levi obsequio illi exhibito, à 40. annorum peccatis & abyſſo, in lucem emerſit.

5. Namurci excitatum eſt eidem cæliReginæ in ſuburbio ſacellum; quo etiam ſolenni celebriſſime cum nobilitatis urbicæ, tum ſcholarum ſtatua Virginis ex Vrbe deportata eſt. Puer à peſtilentibus maculis Bethuniæ repente ſanus & mundus evigilavit, poſteaquam noſtræ Auxiliatrici ejus avia ſacrum ſolenne pro nepote vovit.

§. 3. *Honor calatum.*

6. Tornaci, cum è Patribus quidam pro urbe peſte contactâ vires ac vitam ad ſancta ægrorum obſequia devoveret, prius, quàm illam Charitatis palæſtram ingrederetur, rei auſpicato gerendæ Magiſtratus Urbis religioſè voluit proludere; quando in templo noſtro, in S. Rochi eorum potiffimùm temporum advocati honorem convenit, & ſolenne divini Sacrificij placamentum offerri voluit: domi verò noſtræ Patrem velut à ſuis peregre abiturum, unâ cum Collegio univerſo liberali menſâ honoravit.

7. Hui 20. Octobris ſacra SS. Victoriani, & Germani MM. corpora, feſto cleri univerſi, omniùmq; religioſorum ordinum comi-

tatu,

tatu, & magnâ Urbis ad pompam armatâ ac effusâ gratulatione, è loco suburbano, in navi primum ad elegantiam spectatè adornata, deinde Sacerdotum humeris in ædem nostram splendidè sunt deportata. Duaci absolutum, & apertum publicæ pietati Sacellum S. Josephi, magnâ spe accessionem capturâ per hanc etiam novam illecebram pietatis. Accessit S. Florentij M. hierotheca argentea, & reliquiæ; cui sancto debere se fatentur nonnulli quod à peste correpti se velut redivivos aspiciant.

8. SS. Ignatij & Xaverij honores augeantur. Leodij decem asceticis eruditi. Bethuniæ febrim hecticam à juvene invocatus Ignatius & epota aqua Ignatianarum reliquiarum tactu sacra, abegit. Dionanti alius profluvio sanguinis ad ultima devolutus ex templo convaluit, quamprimum celebrem quotannis S. Ignatij diem se habiturum voto promisit.

9. Secularem S. Xaverij anno 1552. 2. Dec. felicem immortalitatem ad euntis annum eâ pietate coluit potissimum Collegium Insulense, quam omnes perforè accomdam ad cultum admirabilis illius Apostoli putavere. Præter longum celebris ad S. Stephanum æris campani sonum, & alia extraordinariæ celebritatis invitamenta, prægran-

grandis ac elegans Collegij nomine sancto cereus est oblatus: oratio de centesimo Xaveriana gloriae anno perorata: appensa undiq; numero, splendore, concinnitate laudata emblemata: habita iterum ad conferendam concionem panegyris; cantatae deniq; Lauretanae Virgini à qua salutata in Indiam movit Xaverius, Litaniae, diei latitiam, & Urbis aures, oculos, animos implevere: nam usitata templi ornamenta, & reliqua summis celebritatibus consveta praetereo. Reliqua octo dierum solennitas tenuit, repetitis alijs ac alijs ad ingentem populi vindictionibus, affixis majoribus per plateas emblematis, accensis nomine Sodalitatum cereis, collucentibus circa Sancti imaginem ijs quae populi pietas affigebat luminibus, junctâ civium atq; nobilium symphoniâ, proposito ad publicam adorationem divino Sacramento, cui nobilissima selectorum è flore juventutis 150. capitum corona supplicabat accensis totidem facibus perillustis; nocturnas quoq; tenebras magnâ intermicantium ignium festivitate & concinnitudine distingvente.

10. Ad Valencenas in pago Onaigensi in honorem SS. Ignatij & Xaverij novum est Sodalitium excitatum, plurimâ ejus populi pietate. Puerperae praesens illorum auxili-

um.

um expertæ gaudent filijs ex eorum nomine appellatis beneficij simul & nominis benefici memoriâ recreari. illorum vero festa, præmissis religioso jejunio, vicinis quoq; pagis ad Societatem pietatis confluentibus, pergunt quotannis cultu quàm possunt maximo revereri.

§ 4. *Elogia defunctorum.*

11. Ex ijs quos hic annus æternitati transcripsit, laudant præcipue annuæ Huenses 6. Sept. P. HENRICVM DE MARCHE: qui laboriosæ charitati humilitatis gloriam singulari contentione iungebat. quocirca visus est omnem diligentiam plebeis abjectisq; magis promptè ac libenter, & cum quodam quasi saporis condimento, impendere.

12. Insulis præstans ingentis patientiæ documentum post se reliquit 26. Maij moriens EVERARDVS VANDENEDEN Coadjutor. qui ad stuporem, & horrorem etiam medicorum (ita de illo literæ) tertio, sectiones, & uestiones in maxilla sustinuit magno animi robore, oculis intentis in imaginem Crucifixi, nec adstrictus, & tamen immotus, tametsi laniena multas ad horas, imo ad integrum penè diem duraverit. Ibidem è vivis excessit P. PETRVS GREDIN Coadj:

formatus, de templis, Sodalitatibus, pauperibus insignitè meritus.

13. Leodij tres diem obière. P. GOTTIFREDVS BOVRDOUX 3. Feb. tenerâ erga Superiores observantiâ, & nunquam impromptâ vel segni charitate: P. HENRICVS BOVRCHY anno æt. LXXIX. sinceræ indolis, ac præcipuâ erga Deiparam religione propensa: P. EVSTACHIVS LORCHY 19. Novemb: diligens SSS. TRINITATIS, & absconditi in Eucharistia Christi cultor, quem interdum sæpius, à mensa verò semper visitabat. Bethuniæ P. FLORENTIVS VAILLANT domi & foris longè gratissimus, & Collegij benefactor.

14. Montenses præter P. JACOBVM BERNARD concionatorem veteranum, & assiduâ sui ad mortem apparatione insignem, etiam JOANNEM DANIEL Coadjutorem amiserunt: quem ajunt cum ante annos aliquot æger decumberet, à Beatissimâ Virgine Matre coràm recreatum allocutione maternâ, & non sinè miraculo persanatum, objecto etiam per quietem viso cælesti, atq; colloquio.

15. Nivellis, at è Collegio Namurensi 12. Jan. diem finijt mortuus manè repertus in lecto P. PETRVS CHERON, qui missiones magnâ virtute, fructu insigni, ac omnium

um

um laude obivit, annis XVII. & se ad mortem repentinam, ut praesagiebat, quotidianis industrijs comparavit. Tornaci P. JACOBUS COVLON Coadj Spir. Missionarij, Praefecti Spiritus, ac templi officijs functus. 6. Martij P. JOANNES MALLET, disciplinae ad amissim, & modestae submissionis retinentissimus. examen particulare nunquam omisit.

16. Nivellis praeterea duo desiderati, alter 14. Sept. P. MICHAEL MALAPERT, vir orationis, & pacis: alter 23. Octob: M. MICHAEL VERHORST Aquisgrano Nivellis tunc hospes ad beatam patriam appulit moriens inter svavia oscula quae Crucifixo, & Societatis regulis imprimebat, juvenis in quo imitatrix quaedam erga B. Aloysium, & Berchmannum observantia elucebat.

17. Valencenis 16 Maij mortalitatem deseruit P. PHILIPPUS DOUTREMAN, Paedagogi Christiani plusquam quadragies idiomate vario impressi Author, de Catechesi audate meritus.

18. Audomari 10. Julij piam animam egit P. DIONYSIUS DESANNOIS, ibid: anno 1600. natus 2. Martij, in Societate anno 1620. inita. 4. vota Professus, Latine & Graece doctus, & perquisitae eruditionis. Post gubernatum Montense Seminarium, nunc

rebus spiritualibus præfuit, multus cum Deo, reverens majorum, & tolerans in adversis. Reliqua de illo sic literæ: Pater è nostris, cui dum viveret fuerat per familiaris, è flammis lustralibus illi se videndum præbuit. Ejus congressus & colloquium auxit & cumulavit desiderium juvandi animas purgantes: item illum strenuè incitavit ad virtutes amplectendas ubi ab illo amico didicit, viros religiosos tormentis atrocibus ideo torqueri, quia divino obsequio & proximorum salutis procurandæ parùm addicti fuerunt.

19. In idem oriundus, & anno 1585. natus P. STEPHANVS BRAVWERE Coadj. form. post procuratoris & missionum officia, herniæ incommodis afflictus, apoplexiâ demum prostratus dolores ac vitam finijt 29. Decemb: vir verè humilis, & cum per valetudinem plura non posset, Patres foras euntes libenter comitatus.

20. Duaci cursum vitæ consummavit 18. Octob. P. MARTINVS L'HERMITE Lau-
reti olim pœnitentiarius, ut vocant, Duaci Philosophiæ, Matheseos, Theologiæ Magister ac Præfectus. nec laboris nec ingenij laude vulgari. A deo quicquid vel arduum, vel etiam odio obnoxium erat, citra recusationem de obedientiæ nutu agebat, ut Superioris

perioribus quietis asylum; & extemporale receptaculum videretur. Missionem Indicam, nequicquam expetitam, pensavit studio animarum; & orandi, seq; afflictiandi assiduitate. Totos dies aliquando jejunus per legiones concursabat multifariam satagens in ijs, quæ istic & multa & magna sunt. Inde illi febris, & mors.

2^a. Namurei in Collegio quod per ipsos XII annos prudentiâ & solerti prorsus singulari gubernarat, mortem obiit 11. Feb: P. JOANNES de RENESSE, 3. vota Professus celebris in Domo Prob. Tornacensis templi è Patrimonio suo Author, quo etiam adnitate augustum Namurei templum & fundamenta accepit & non parum assurrexit. Divinæ Matris officium, & immaculatæ Conceptionis, nullo etiam in gravissimis morbis die omisit. Ajunt illum juvandarum in purgatorio animarum studio Psalmum *De Profundis* pœnitentiæ loco suis pœnitentibus per ipsos XXII. annos imposuisse, pro confessionibus ordinarijs. Tolerantia in illo immortaliter admirabilis eluxit, quando horrendam nobilissimæ suæ familiæ ruinam, ac fratris miserandam catastrophem, aliosq; rerum eventus, morbos, dolores longos, & pertinaces, ita sustinuit, ut passim diceretur publicum patientiæ specu-

130 ANNŪÆ GALLO-BELG:

Etaculum, & exemplum. Cruciatuſ ille animi quo generalem confeſſionem crebrius iterabat, de ſalute ſua ſemper anxius, eoque mortis metu atque iudicij ſemper ſuſpenſuſ animo, paucis ante mortem diebus in ſua- viſſimam animi ſerenitatem, dulcem de di- vinâ bonitate fiduciam, & mortis flagrans deſiderium eſt converſus.

22. Mortibus migravit è vita GVLIE- MVS GERARD. Coadjutor in Charitate ſua- viſſimus, in labore ac ſilentio rigidus & re- ligioſe conſtans, etiam in ætate extrema. Tornaci autem peſte P. ROLANDVS THON- NA magni ſemper in modeſtiâ obedientiaque exempli, Ibid. P. EVGENIVS WINOT 4. vota Proſi longâ 18. menſium tabe abſump- ptus.

ANNŪÆ GERMANIÆ
SVPERIORIS M. DC. LII.

IN Catalogo ſexcentarum ſeptua- ginta octo perſonarum hujus Provin- ciæ, Sacerdotes fuere tringinta duo ſupra trecentos, in Collegijs viginti & uno, duabus Probationis Domibus, & alijs domicilijs ac miſſionibus.

§. I. *Fidei Catholice incrementa.*

1. Centum ſexaginta duo, præter novem
ia